



六朝事迹編類卷之五


左奉議郎充江南東路安撫司幹辦公事張敦頤養正堂

江河門

溝渠溪井附

大江

西接江寧界東接句容界北接真州六合縣界沿流一百二十里按三國志吳書魏文帝有渡江之志徐盛從建業築圍上設假樓江中浮船文帝到廣陵望圍愕然彌漫數百里而江水盛長便引退文帝歎曰魏雖有武騎千羣無所用也又按江南野史周世宗問孫忌江南虛實忌曰長江千里險過湯池可敵十萬之師世宗聞



而忌之

秦淮

秦始皇東巡會稽經秣陵因鑿鍾山斷金陵長隴以疏

淮或云斷金陵長隴乃方山也其淮本名龍藏浦上有二源一源發

自華山經句容西南流華山在句容縣界一源發自東

廬山經溧水西北流入江寧界東廬山在溧水縣東南十五里高六十八丈周

回二十里山西一源入秦淮二源合自方山埭西注大江其分派屈

曲不類人功疑非秦皇所開而後人因名秦淮者以鑿

方山言之楊修之有詩曰一氣東南王斗牛祖龍潛為

子孫憂金陵地脈何曾斷不覺真人已姓劉

直瀆

吳後主孫皓所開隸鍾山鄉去縣三十五里西至霸埂

東北接竹港流入大江楊修之詩注云瀆在幕府山東

北長十四里闊五丈深一丈初開之時晝穿夜復自塞

經年不就傷足役夫卧其側夜見鬼物來填因嗟歎曰

何不以布囊盛土棄之江中使吾徒免殫力於此傷者

異之曉白有司如其言乃成瀆道直故名曰直瀆輿地

志曰白下城西南有蟹浦蟹浦西北有直瀆伏滔北征

記云吳將甘寧墓在此俗云墓有王氣孫皓惡之乃鑿

其後為直瀆又按晉書蘇峻舉兵溫嶠帥師救京師遣

王愆鄧期兵爲前鋒次直瀆卽此地也楊修之有詩曰
晝役人功夜鬼功陽開陰闔幾時終不聞擲土江中語
爭得盈流一水通

橫塘

吳大帝時自江口沿淮築堤謂之橫塘楊修之有詩云
早潮纔過晚潮來一軒窗照水開鑑面無塵風不動
分明倒影見樓臺

青溪

建康實錄吳赤烏四年冬鑿東渠名爲青溪寰宇記云
青溪在縣東六里闊五丈深八尺以洩真武湖水輿地

志云青溪發源鍾山入於淮連綿十餘里溪口有埭埭
側有神祠曰青溪姑今縣東有渠北接覆舟山以近後
湖里俗相傳此青溪也其水迤邐西出至今上水閘相
近皆名青溪陶季直京都記云京師鼎族多在青溪埭
尙書孫瑒尙書令江總宅當時並列溪北又南史齊永
明元年望氣者言新林婁湖有王者氣帝迺築青溪舊
宮作新林婁湖苑以厭之又建康實錄云郗僧施泛舟
溪中每經一曲作詩一首隋煬帝平陳斬張麗華孔貴
嬪二人於此柵下楊修之有詩云傾城傾國兩妃嬪此
地聞名不見人潛想舊時紅粉面落花風裏步香塵

此開潮溝泉人鑿運蓄神谷林而落芬風集志香惠

輿地志潮溝吳大帝所開以引江潮建康實錄云其北
又開一瀆北至後湖以引湖水今俗呼為運瀆其實自
古城西南行者是運瀆自歸善寺門前東出自青溪者
名潮溝其溝向東已湮塞西則見通運瀆按實錄所載
皆唐事距今數百年其溝日益湮塞未詳所在今府城
東門外西抵城濠有溝東出曲折當報寧寺前里俗亦
名潮溝此近世所開非古潮溝也

霹靂溝

王荆公詩云霹靂溝西路柴荆四五家憶會騎款段隨

意入桃花在城東五里

北渠

吳後主引北湖水入宮城巡遶堂殿窮極機巧費役萬
工楊修之有詩云金殿分來玉砌流黑龍湖撒鳳池頭
後庭花落恩波斷翻與南唐作御溝在城北二里

鍾山蟹浦故之東部真蓋前書說歐州縣輿圖贊

輿地志云白下城西南有蟹浦源出鍾山北流九里入
大江在城西北十六里

會一覆杯池晉中興魏初武天草亦學堂決昔今湖北

晉元帝中興頗以酒廢政丞相王導奏諫帝因覆杯於

池中以爲誠楊修之有詩云金杯覆處舊池枯此後還
會一醉無東晉中興股肱力亦學管夷吾今城北
三里西池是也

落义池
蔣山寶公塔之東悟真菴前舊傳迦毗羅神與隋梵僧
密多至此交戰神落义於此池因以得名

石池

臺城內千佛禪院本梁同泰寺後吳順義二年置院前
有醜石四各高丈餘名三品石西有白蓮閣閣下有小
石池面方一丈餘言是陳時景陽井今有古石井欄其

上本鐫刻文字悉已殘毀惟戒哉二字可辨今名法寶
院楊修之有詩曰蘿蔓藤花歲自添露痕還似雨痕霑
莫將廢苑爲閒地猶可巖巖使具瞻

邀笛步

舊名蕭家渡在城東南青溪橋之右今上水閘是也晉
書云桓伊善樂盡一時之妙爲江左第一有蔡邕柯亭
笛常自吹之王徽之赴召京師泊舟青溪側伊素不與
徽之相識自岸上過船中客稱伊小字曰此桓野王也
徽之令人諭之曰勝聞君善吹笛爲我一奏伊是時貴
顯素聞徽之名便下車踞胡牀爲作三調弄畢便上車

去客主不交一言故今名爲邀笛步也臨海畢野士車
太子湖
吳宣明太子孫登所創謂之西池晉元帝卽位明帝爲
太子更加修之多養武士於池內築土爲臺時人呼爲
太子西池建康實錄晉太元十年夏四月苻堅爲姚萇
慕容冲所逼遣使求救詔太保謝安率衆救秦帝自行
西池宴羣臣餞安在城北六里周回十里

迎擔湖

南徐州記云費縣西北八里有迎擔湖昔晉元嘉中元
帝南遷衣冠席卷過江客主相迎湖側遂以此爲名在
府北五里石城後其湖溉田三十里

蘇峻湖

南徐州記云迎擔湖西北有蘇峻湖本名白石陂建康
實錄晉成帝咸和二年蘇峻舉兵逼帝遷於石頭陶侃
溫嶠庾亮陣於白石使將軍楊謙攻峻於石頭峻輕騎
出戰謙詐北奔白石壘峻逼之纔交鋒峻墜馬侃督護
李陽臨陣斬峻於白石陂岸至今呼此陂爲蘇峻湖在
城西北十五里周回十里

半陽湖

輿地志云江乘縣南有半陽泉半冷半熱又南徐州記

云江乘縣南有半陽泉半冷半熱熱處可爛物冷處如
冰熱處魚入冷處卽死冷處魚入熱處亦死民種稻則
溉熱水十年再熟今廢楊修之有詩云江南龍節水爲
鄉水不純陰又半陽一片湖光共深淺兩般泉脈異溫
涼在城東北四十里周回十五里交維湖池於晉蓋
絳巖湖公曰此湖軍對瀟湘女劍公曰此湖對瀟湘
圖經云在句容縣西南三十里源出絳巖山周回四十
里溉田一百頃舊收歲課錢二百五十貫咸平三年正
月奉敕除放

固城湖

圖經云水路在溧水縣南九十五里周回七百零四
二十五里南北三十里有四派東經五堰經常州宜興
縣界入太湖

丹陽湖

圖經云在溧水西八十里周回一百九十五里與太平
州當塗縣分界昔唐李白常遊此湖酷愛其景乃張帆
載酒縱意往來而作詩曰湖與元氣連風波浩難止天
外賈客歸雲間片帆起龜遊蓮葉上鳥送蘆花裏少婦
棹輕舟歌聲逐流水里人疑棹隨一谷離水吳越春烟

圖經溧陽源西北二十三里曹叡山西溧水東流

圖經云在縣西北二十三里曹姥山西經溧水縣東流入縣界又南流三十里入長塘湖一名瀨水吳越春秋云伍子胥奔吳至瀨渚遇女子因跪乞食女食之授以壺漿誠曰勿言既濟女已投水後子胥伐楚還投金於瀨水以報之須臾有姬行哭而來曰吾女三十不嫁遇窮人食之投水而死乃取金以歸水次有碑李自文平

麾扇渡

圖經云在縣東南四里故朱雀航之左晉廣陵相陳敏反南渡江時假顧榮丹陽內史榮發舟南岸敏率眾萬餘人出不獲濟榮以白羽扇麾之其軍遂自潰因以為

名也楊修之有詩云旌旗爍日刃凝霜甲馬如龍人似狼羽扇一麾風偃草策勲多謝顧丹陽

五馬渡

圖經云在縣西北二十三里幕府山之前晉元帝與彭城等五王渡江處按晉書太安之際童謠云五馬浮渡江一馬化為龍及永嘉中元帝登大位乃其符云五馬之名取此

桃葉渡

圖經云在縣南一里秦淮口桃葉者晉王獻之愛妾名也其妹曰桃根獻之詩曰桃葉復桃葉渡江不用楫但

渡無所苦我自迎接汝不用楫者謂橫波急也嘗臨此
渡歌送之楊修之有詩云桃葉桃根柳岸頭獻之才調
頗風流相看不語橫波急艇子翻成送莫愁

白鷺洲

圖經云在城西南八里周回十五里對江寧之新林浦
唐李白詩云三山半落青天外二水中分白鷺洲

長命洲

梁武帝放生之所也在石頭城前帝日市鵝鴨鷄豚之
屬放此洲名爲長命洲置戶十家常以粟穀餵飼歲各
千石而爲狐狸所食及掌戶竊而烹者各半輿地志魏
使李恕來聘帝時於此放生問恕曰北主頗知此事乎
對曰魏國不殺亦不放帝無以應之楊修之有詩云梁
武慈悲不鼎烹蒙恩豢養亦虛名狐狸口腹應潛飽就
死多於日放生

葛仙丹井

仙翁葛玄煉丹井也按建康實錄吳大帝好道術玄嘗
與遊處後玄白日昇天其井尙存外有石欄相傳云南
唐所造今去城四十里方山頂上是也

應潮井

蔣山頭陀寺中塔記云梁大同元年後閤舍人石興造

山頂第一峯佛殿後有一井泉與江潮盈縮增減相應
楊修之有詩云碧甃時時減復增山頭海面密相應古
來泉脈誰穿鑿潮落潮生不暫澄

景陽井

一名胭脂井

臺城中景陽宮井也按南史隋克臺城陳後主與張麗
華孔貴嬪俱入井隋軍出之故杜牧之詩云三人出胥
井謂此也其井有石欄上多題字舊傳云欄有石脈以
帛拭之作胭脂痕或云石脈之色類胭脂故云圖經不
載楊修之有詩云擒虎戈矛滿六宮春花無樹不秋風
倉黃益見多情處同穴甘心赴井中唐李白金陵歌曰

石頭巉巖如虎踞凌波欲過滄江去鍾山龍盤走勢來
秀色橫飛歷陽樹四十餘帝三百秋功名事迹隨東流
白馬小兒誰家子泰清之歲來關囚金陵昔時何壯哉
席卷英豪天下來冠蓋散爲雲霧盡金輿玉座成寒灰
扣劍悲吟空咄嗟梁陳白骨亂如麻天子龍沈景陽井
誰歌玉樹後庭花此地傷心不能道目下離離長春草
送爾長江萬里心他年來訪商山皓

藏冰井

覆舟山上有凌室乃六朝每歲藏冰於此也楊修之有
詩云尤喜凌人職未隳閉藏出納示箴規戰兢國步艱

難者常似臨深履薄時在城東北十里

難者常似臨深履薄時在城東北十里

城水北

難者常似臨深履薄時在城東北十里

難者常似臨深履薄時在城東北十里

難者常似臨深履薄時在城東北十里

道從兩山仲夏正元
張商周天重物南本

難者常似臨深履薄時在城東北十里

難者常似臨深履薄時在城東北十里

難者常似臨深履薄時在城東北十里

六朝事迹編類卷之五終

難者常似臨深履薄時在城東北十里

六朝事迹編類卷之六

難者常似臨深履薄時在城東北十里

左奉議郎充江南東路安撫司幹辦公事張敦頤養正撰

山岡門

石碗山 碗牛 委切

輿地志云秦始皇時望氣者云江東有天子氣乃東遊

以厭之又鑿金陵以斷其勢今方山石碗是其所斷之

地也孫盛云東至方山有直瀆自瀆至此山或云是秦

時所掘山今方山西九里有大壘枕淮合壘悉是石名

石碗京師溝塘累石悉鑿此壘取之在城東南四十五

里

天關山

天闕山

晉元帝卽位起宮殿城闕郭璞云闕不便王導乃指牛頭山爲天闕楊修之有詩云牛頭天際碧凝嵐王導無稽示妄談若指遠山爲上闕長安應合指終南

鳳臺山

宋元嘉中鳳凰集於是山乃築臺於山椒以旌嘉瑞在府城西南二里今保寧寺是也唐李白詩曰置酒延落景金陵鳳凰臺長波瀉萬古心與雲俱開昔時有鳳凰鳳凰爲誰來鳳凰去已久正當今日回明君越羲軒天老坐三台豪士無所用彈琴醉金壘東風吹山花安可

不盡杯六帝沒幽草深宮冥綠苔置酒勿復道歌鐘但相催又詩曰鳳凰臺上鳳凰遊鳳去臺空江自流吳時花草埋幽徑晉代衣冠成古丘三山半落青天外二水中分白鷺洲總爲浮雲能蔽日長安不見使人愁南唐宋齊丘有詩云嵯峨壓洪泉峯峇撐碧落宜哉秦始皇不驅亦不鑿上有布政臺八顧皆城郭山蹙龍虎健水黑螭蜃作白虹欲吞人赤驥相搏掣畫棟泥金碧石路盤磽确倒挂哭月猿危立思天鶴鑿池養蛟龍栽桐棲鸞鴛梁間燕教雛石罅蛇懸殼養花如養賢去草如去惡日晚嚴城鼓風來蕭寺鐸掃地驅塵埃翦蒿除鳥雀

金桃帶葉摘綠李和衣嚼貞竹無盛衰媚柳先搖落塵
飛景陽井草合臨春閣芙蓉如佳人回首似調謔當軒
有直道無人肯駐腳夜半鼠勃窣天陰鬼敲椽松孤不
易立石醜難安著自憐啄木鳥去蠹終不錯晚風吹梧
桐樹頭鳴噪噪峩峩江令石青苔何淡薄不話興亡事
舉首思眇邈吁哉未到此褊劣同尺蠖籠鶴羨鳧毛猛
虎愛蝸角一日賢太守與我觀橐籥往往獨自語天帝
相唯諾風雲偶不來寰宇銷一略我欲烹長鯨四海爲
鼎鑊我欲取大鵬天地爲繒繳音勺絲縷也安得生羽翰雄
飛上寥廓其詩刻今在保寧寺

覆舟山

寰宇記云在城北五里周回三里高三十一丈東接青
溪北臨真武湖狀如覆舟因以爲名輿地志云宋元嘉
中改名真武山以其臨真武湖山復有真武觀故也晉
北郊壇宋藥園壘樂遊苑水井甘露亭皆在此山

幕府山

寰宇記云在城西北二十里周回三十里高七十丈東
北臨直瀆浦西接寶林山南接蟹浦輿地志云臨沂縣
東八里有幕府山寰宇記云晉元帝自廣陵渡江建康
城荒落以府第居縣北山下因以幕府山爲名圖經云

丞相王導建幕府於此山因名之山上有虎跑蒲包切
泉其西巔有仙人臺宋明帝高寧陵在山西王導溫嶠
亦葬山西又按寰宇記云陳武帝破北齊軍四十六萬
於幕府山下至後主禎明中嘗幸此山校獵虞世南獻
賦以美之楊修之有詩云六代繁華一瞬間平蕪遠樹
不勝閒倚樓天暝雲如幕知是琅琊幕府山

雞籠山

寰宇記云在城西北九里西接落星澗北臨棲玄塘輿
地志云雞籠山在覆舟山之西二百餘步其狀如雞籠
因以爲名按宋文帝元嘉十五年立儒館於北郊命雷

次宗居之次宗因開館於雞籠山齊高帝嘗就次宗受
禮及左氏春秋又竟陵王子良嘗移居雞籠山下集四
學士鈔五經百家爲四部要略千卷又按宋文帝元嘉
中改爲龍山以黑龍嘗見真武湖此山正臨湖上因以
爲名今去縣六里晉元帝明帝成帝哀帝四陵皆在山
南中有佛寺五所

方山

寰宇記云山高一百一十六丈周回二十七里圖經云
四面方如城東南有水下注長塘流溉平陸又按輿地
志云湖熟西北有方山頂正方上有池水山謙之丹陽

記曰山形方如印故曰方山亦名天印山秦始皇鑿金陵此山是其斷處文選謝靈運東出鄉里相送至方山靈運嘗賦詩其略云解纜及流潮懷舊不能發又按南史宋何尚之爲尚書令元嘉末致仕於方山著退居賦以明所守議者咸謂尚之不能固志後果然又按齊武帝嘗幸方山顧左右曰朕欲經始山之南復爲離宮期勝新林苑徐孝嗣答曰繞黃山款牛首乃盛漢之事今江南未廣願少畱神乃止圖經謂齊武帝於方山築苑不知何所據而云今在城東南四十五里

攝山

寰宇記云周回四十里高一百三十二丈東連畫石山南接落星山陳江總攝山棲霞寺碑文云南徐州琅琊郡江乘縣有攝山其狀似繖亦名繖山尹先生記云山多草藥可以攝養故以攝爲名南史齊明僧紹住江乘攝山今棲霞寺卽其宅也今去城四十五里

東山

上元縣有兩東山一在崇禮鄉今土山是也晉書謝安寓居會稽棲遲東山此安之舊隱也後於土山營築以擬東山今去縣二十里一在鍾山鄉蔣廟東北宋劉勔隱居之地南史勔嘗經始鍾嶺以爲棲息及造園宅名

爲東山今去縣十五里陳軒金陵集載李白李建勳東山詩皆指土山而作

白山

圖經云舊屬江乘縣周回八里高八十丈東接竹堂山南接蔣山北連攝山西有水下注平陸輿地志云階礎碑石悉出此山南史梁散騎常侍韋載有田十餘頃在江乘縣之白山天嘉元年遂築室而居屏絕人事不入籬門者十載今去縣二十里

湯山

寰宇記云在縣東北其西接雲穴山山不甚高無大林木有湯泉出其下大小凡六處湯澗繞其東南四時常熱禽鳥之類入之輒爛以煮豆穀終日不熟草木濯之轉見鮮茂舊有湯泉館今廢去縣五十里

大壯觀山

圖經云在城北一十八里周回五里高二十丈東連蔣山西有水下注平陸南臨真武湖北臨蠡湖舊經謂陳宣帝起大壯觀於此山因以爲名南史宣帝太建十一年八月幸大壯觀因大閱武命都督任忠領步騎十萬陣於真武湖上登真武門觀宴羣臣因幸樂遊設絲竹之會仍重幸大壯觀振旅而還

之會臨沂山 大州臨沂縣
圖經云在城東北四十里周回三十里高四十丈東北
接落星山西臨大江西南有舊臨沂縣城 始建魏十萬

祈澤山

舊經云初法師嘗結茅於此有龍女來聽講既而神泉
涌於講座下後遂為祈禱水旱之所山因此得名高五
十丈周回十里東連彭城山北連青龍山今去縣二十
三里

盧龍山

圖經云在城西北十六里周回五里高三十六丈東有
水下注平陸西臨大江舊經云晉元帝初渡江到此見
山嶺縣延遠接石頭真江上之關塞以比北地盧龍山
因以為名 山在縣西南三十里周回二十四里高一百

馬鞍山

圖經云以形似得名西臨大江東與石頭城相接南史
陳後主禎明三年隋將濟江宜黃侯慧紀自荊州帥將
士沿江而下欲趨臺城遣南康太守魯肅將兵以鐵鎖
橫江隋將楊素奮兵擊之爭馬鞍山四十餘戰隋軍死
者五千餘人今去城十里 城十里

圖經大城山

二十二里高八十二丈南對蒼翠山西對

圖經云周回二十二里高八十二丈南接苻堅山西接
鴈門山北接竹堂山今去城七十里

望祭山

東晉成帝於北郊以白山鍾山配四神四神之數兼祭
之按通典梁武帝省四望座惟鍾山及松江浙江五湖
白石山竝存之

絳巖山

圖經云在句容縣西南三十里周回二十四里高一
百六十五丈上有龍坑祠壇江南地志云漢丹陽縣北有
絳山其土赤因爲郡名本名赤山唐天寶六年改名絳

巖山

竹里山

圖經云在句容縣方輿地記云行者以其途傾險號曰
翻車峴鮑昭有行翻車峴詩卽此山也

濁山

圖經云在溧水縣東南十里高一十丈周回五里山北
濁水出焉輿地志云溧水縣有濁山下有濁水卽秦淮
之源也

東廬山

圖經云在溧水縣東南一十五里高六十八丈周回二

十里有三水源一出山西流入秦淮一自山東北流入
 馬沈港一自山東南吳漕流入丹陽湖丹陽記云溧水
 縣東有廬山與丹陽分界俗傳云以廬舍為名又云嚴
 子陵嘗結廬於此云云溧水縣志云廬山可資斷水唯秦郵
 大巫山水溧東四十里高一丈周回五里山北
 圖經云在溧陽縣北四十五里周回二百五十步高八
 丈長塘湖內接鎮江府金壇縣界

小巫山

圖經云在溧陽縣東北二十五里周回四里高五丈長
 塘湖內石上有獸跡

平陵山

圖經云在溧陽縣西北三十五里高三丈周回三里晉
 書云咸和四年李閔斬韓晃蘇逸於此

鐵冶山

圖經云在溧陽縣西南七十里周回二十里高一百八
 十丈輿地志云前代鐵冶處西漢吳郡人對而問之答

白土岡

圖經云北連蔣山其土色白因名之輿地志云同夏縣
 西有白土塾即此地按北史隋賀若弼嘗破陳軍於蔣
 山之白土岡今蔣山西北有岡壘土色正白乃其地圖

經云在縣東二十二里非是蓋同夏縣在今縣東十五里而白土岡在同夏之西不應有二十里之遠也

圖經云縣南十二里石岡之橫道是也六朝雜事云宋

袁粲常酌於此忽逢村父便留連笑語人怪而問之答曰吾侶偶遊非知音也楊修之有詩云殘枝敗葉幾霜春莫問栽培迹已陳細雨斜風馬無力蕭蕭滿路更愁人

千佛嶺

在攝山棲霞寺之側按江總棲霞寺碑明僧紹居士子

仲璋爲臨沂令於西峯石壁與度禪師鑄造無量壽佛大同二年龕頂放光齊文惠太子豫章文獻王竟陵文宣王始安王及宋江夏王霍姬齊田奐等琢石建像梁臨川靖惠王復加瑩飾嶺之中道石壁有沈傳師徐鉉張稚圭王雱題名

謝安墩

在半山報寧寺之後基址尙存謝安與王羲之嘗登此超然有高世之志李太白將營園其上乃作詩曰晉室昔橫潰永嘉遂南奔沙塵何茫茫龍虎鬪朝昏胡馬風漢草天驕蹙中原哲匠感頽運雲屏忽飛翻組練照楚

國旌旗連海門西塞百萬衆戈甲如雲屯投鞭可填江
一掃不足論皇運有返正醜虜無遺魂談笑遏橫流蒼
生望斯存冶城訪古跡猶有謝安墩憑覽周地險高標
絕人喧想像東山姿緬懷右軍言梧桐識佳樹蕙草畱
芳根地古雲物在臺荒禾黍繁我來酌清波於此樹名
園功成拂衣去歸入武陵源王荆公詩云我名公字偶
相同我屋公墩在眼中公去我來墩屬我不應墩姓尙
隨公

桃花塢

在蔣山寶公塔之西北舊有桃花甚盛今不復存

方山埭

建康實錄吳赤烏八年使校尉陳勳發屯田兵於方山
南截淮立埭號方山埭又按南史湖熟縣方山埭高峻
冬月行旅以爲難齊明帝使沈瑀修之瑀乃開四洪斷
行客就作三日便辦其埭今去城四十五里

雞鳴埭

建康實錄青溪有橋名募士橋橋西南過溝有埭名雞
鳴埭齊武帝早遊鍾山射雉至此雞始鳴圖經云今在
青溪西南潮溝之上又按南史齊武帝永明中數遊幸
諸苑載宮人從車宮內深隱不聞端門鼓漏聲置鐘景

陽樓上應五鼓及三鼓宮人聞鐘聲竝早起裝飾帝數
幸琅琊城宮人常從早發至湖北埭雞始鳴故呼為雞
鳴埭若爾其埭又當近北父老傳曰今清化市真武廟
側是其處也二埭恐皆當時所厯姑兩存之

射雉場

圖經云在縣東二十里齊東昏侯置射雉場五百所皆
以七寶裝翳楊修之有詩云外作禽荒內色荒三千紅
粉日嚴妝潘妃縱有嫣然態不步金蓮到射場

絕地

圖經云在縣南三里古大社西有凶地三畝晉周顛司

馬秀蘇峻皆宅於此悉以禍敗宋王僧綽曰大丈夫當
以正道自居何宅之有凶吉尋為元凶所害楊修之有
詩云四主衣冠不令終高門列戟謾重重由來瘠沃分
勞逸莫道人凶非宅凶

鑄劍坑

圖經云在溧陽縣南八十里石屋山之西舊經云昔吳
王使歐冶子鑄劍於此

鑄劍坑
歐冶子鑄劍坑
石屋山

六朝事迹編類卷之六終

六朝事迹編類卷之六

六朝事迹編類卷之六

六朝事迹編類卷之六

六朝事迹編類卷之六

六朝事迹編類卷之六

六朝事迹編類卷之六

六朝事迹編類卷之六

六朝事迹編類卷之六

六朝事迹編類卷之六

六朝事迹編類卷之七

左奉議郎充江南東路安撫司幹辦公事張敦頤養正撰

宅舍門

孔子巷

輿地志云孔子廟在樂遊苑東隔青溪本奉聖亭侯所奉之廟也舊在溪南丹陽郡之東南本東晉所立中廢宋元嘉十九年詔復孔子廟至齊遷於今處以舊地為浮圖今名孔子寺亦名孔子巷在城東南五里古長樂

橋東

言偃里

六朝事迹編類
史記孔子弟子列傳言偃字子游吳人今不知其里所
在或云在城東二十二里

四學

南史宋文帝元嘉十五年立儒學館於雞籠山命雷次
宗居之明年丹陽尹何尚之立玄素學著作佐郎何承
天立史學司徒參軍謝玄立文學各聚門徒多就業者
江左風俗於斯美焉

諸葛恪宅

圖經云在縣東二里古元風觀前南接青溪里俗傳云
在今縣東南百餘步面對青溪其東卽江令宅也

陸機宅

建康實錄云陸機入洛作懷舊居賦云望東城之紆徐
邈吾廬之延佇李太白題王處士水亭云齊朝南苑是
陸機宅其詩云王子耽玄言賢豪多在門好鵝尋道士
愛竹嘯名園樹色老荒苑池光蕩華軒北堂見明月更
憶陸平原掃地青玉簫爲余置金尊醉罷欲歸去花枝
宿鳥喧何時復來此再得洗囂煩圖經云在縣南五里
秦淮之側

杜姥宅

建康實錄晉成帝恭皇后杜氏母裴氏卽杜宏治之妻

也裴氏名穆孝武帝封爲廣德君初穆渡江宅於南掖門外時裴氏壽考故呼爲杜姥圖經云在舊縣東北三里舊縣在冶城今天慶觀之東是也其宅未詳所在

劉子珪宅

南史齊劉瓛字子珪居於檀橋瓦屋數間上皆穿漏永平七年竟陵王子良表武帝爲立館帝以揚烈橋故主地給之檀橋在今縣東二十五里青龍山之前

沈約宅

南史梁沈約遷尚書令雖名位隆重而居處儉素立宅東田瞻望郊阜嘗爲郊居賦以敘其事東出在鍾山之

下也

朱异宅

南史梁朱异及諸子白湖溝列宅至青溪其中有臺池玩好每暇日與賓客遊焉

孫瑒宅

建康實錄陳起部尚書孫瑒居處奢豪宅在青溪東西卽江總宅瑒家庭穿築極林泉之致歌童舞女當世罕

儔

江令宅

陳尚書令江總宅也建康實錄及楊修之詩注云南朝

鼎族多夾青溪江令宅尤占勝地後主嘗幸其宅呼爲狎客劉禹錫詩云南朝詞臣北朝客歸來惟見秦淮碧池臺竹樹三畝餘至今人道江家宅今城東段大夫約之宅正臨青溪卽其地也故王荆公詩云昔時江令宅今日段侯家此可驗也

宋齊上宅

舊傳在鎮淮橋之北御街之東今南北較務是也其後又爲南唐國子監

烏衣巷

王榭金陵人世以航海爲業一日海中失船泛一木登

岸見一翁一嫗皆衣阜引榭至所居乃烏衣國也以女妻之旣久榭思歸復乘雲軒泛海至其家有二燕棲於梁上榭以手招之卽飛來臂上取片紙書小詩繫於燕尾曰誤到華胥國裏來玉人終日苦憐才雲軒飄出無消息灑淚臨風幾百回來春燕又飛來榭身上有詩云昔日相逢真數合如今睽違是生離來春縱有相思字三月天南無鴈飛至今歲竟不至因曰榭所居爲烏衣巷劉禹錫有詩曰朱雀橋邊野草花烏衣巷口夕陽斜舊時王榭堂前燕飛入尋常百姓家此見圖經云在縣東南四里晉書王導紀瞻宅皆在此巷

東南扶南樂署王莽餘廟宇皆在也巷
建康實錄吳赤烏七年扶南國獻樂人於此置舍以教
宮人在縣北三里米當縣署理草莽為之巷口又別捨
三川乘黃署詔氣至今遺棄不至因曰樹池邑為本
輿地志云在東府之西北五輅及朝車其駕馬者之所
去縣東北六里漢百回來春燕父派來謝良上言詩云
引曰銅螭署昔因東來工人錄曰苦澗水雲神遊出無
臺城刻漏署西本洛陽之舊物宋平姚秦遷於此魏明
帝為太子時玩以玉手扳刺螭口中因入不出後人常
見白蠅蛭在其中梁元帝移之江陵此物後遂不復見
事腹中藏怪物人驚蠅蛭氣如虹

錦署

楊修之有詩云挈壺傳箭逼天聰鑄出蟠螭巧範同何
圖經云在縣東南十里宋遷百工於此也楊修之有詩
云人衣縑縷地衣紅不念家家杼軸空厥篚織文應歲
貢更翻新樣集機工

紙官署

輿地志宋永初中舊立齊高帝於此造銀光紙以賜王
僧虔在縣東一十五里漢樂白寒則出而寒之禁齊至
焚衣街

齊東昏侯自製服為四種冠五私袍一月中二十餘出
晨出三更歸夜出清晨返梁自襄陽出師廢之焚奢淫
服六十二種於御街中楊修之有詩云雉頭金縷又珠
胎烟緒香雲晝不開御路傍人皆歎息逡巡紅焰作青
灰

猶從承平中變五元
張問問氏重初末本

六朝事迹編類卷之七終

六朝事迹編類卷之八

左奉議郎充江南東路安撫司幹辦公事張敦頤養正撰

識記門

三斷石

吳後主天册元年掘地得銀長一尺廣三分刻上有年
月字又於吳郡臨平湖邊得一石石中有寺小石青白
色長四寸廣二寸刻上作皇帝字於是改元天璽遂立
石紀吳功德按建康實錄云縣南三十里西接牛頭山
丹陽雲巖東路有大碣石長一丈折為三斷此紀功之
碑也今移在府治中可辨者二百餘字漫滅者五十餘

字楊修之有詩云孫吳紀德舊刊碑埋沒蟠螭與伏龜
惆悵石岡三斷在至今猶似鼎分時

石印

天璽元年歷陽山石文理成字凡二十云楚九州渚吳
九州都揚州土作天子四世治太平始江表傳云歷陽
縣有石山臨水高百丈其三十丈所有七穿駢羅穿中
色黃赤不與本體相似俗相傳謂之石印又云石印封
發天下當太平下有祠屋巫祝言石印神有三郎時歷
陽長表上言石印發皓遣使以太牢祭歷山巫言石印
三郎說天下方太平使者作高梯上看印文詐以朱書

石作二十字還以啟皓皓大喜曰吳當為九州作都渚
乎從大皇帝逮孤四世矣太平之主非孤復誰重遣使
以印綬拜三郎為王又刻石立銘褒讚靈德以答休祥
此見吳志注

石室

吳興陽羨山有空石長十餘丈名曰石室在所表為大
瑞皓乃遣兼司徒董朝兼太常周處至陽羨縣封禪國
山明年改元天紀大赦以應石文

潛鶴鼓

臺城端門上二鼓初得於會稽雷門傳是越王舊物擊

之聲聞洛陽後孫恩亂兵擊破中有二鶴冲天而去自
是不復鳴後人呼爲潛鶴鼓楊修之有詩云端門擊破
使人驚潛鶴雙飛上玉清怪得舊時聲太遠冲天合自
九臯鳴

獨足臺

陳末時有一鳥獨足飛上宮城臺上以背畫地云獨足
上高臺盛草化爲灰欲知我家處朱門當水開解者以
爲獨足指後主獨行無衆盛草言荒穢隋承火運草得
火而灰及國破隋煬帝館於都水臺所謂上高臺當水
開也楊修之有詩云鳥跡分明在帝臺管絃聲裏輒書
來回頭一覺風流夢猶得朱門傍水開

寶公銅牌記

按高僧傳公諱寶誌宋元嘉中現形於東陽鎮古木鷹
巢中朱氏聞巢中兒啼遂收育之因以朱爲姓施宅爲
寺公自少出家依於鍾山道林有銅牌記多識未來事
云有一真人在冀州開口張弓在左邊子子孫孫萬萬
年江南中主名其子曰弘冀錢鏐諸子亦皆連弘字以
應之而國朝宣祖諱乃正當之

東湖秦淮石誌

南唐保大中浚秦淮得石誌按其刻有大宋乾德四年

凡六字他字磨滅不可識令諸儒參驗乃輔公祐反江東時年號太祖受命國號宋改元乾德江左始衰弱豈非威令將及而符讖先著也

天水碧

南唐末時前數年宮人按薔薇水染生帛一夕忘收為濃露所漬色倍鮮翠因令染坊染必經宿露之號為天水碧宮中競服之識者以為天水趙之望也

緇卷兩中冲夏子三及
張春園氏重刊本

六朝事迹編類卷之八終

六朝事迹編類卷之九

左奉議郎充江南東路安撫司幹辦公事張敦頤養正撰

靈異門

新洲

南史宋武帝伐荻新洲見大蛇長數丈射之明日復至洲裏聞有杵臼聲往覘之童子數人皆青衣於榛中擣藥問其故答曰王為劉寄奴所射合散傅之帝曰王神何不殺之答曰寄奴王者不可殺帝叱之皆散收藥而反今薛家洲蓋其地也屬金陵鄉去城北四十里

蔣山悟真菴後接梅摯亭記梁天監中有胡僧曇隱寓錫於此山中乏水時有麗眉叟相謂曰子山龍也知師渴飲措之無難俄而一沼沸成後有西僧繼至云本域八池已失其一似竭彼盈此也其泉一清二冷三香四柔五甘六淨七不饑八蠲疴故名八功德水自梁已前嘗取給御廚又按楊修之詩注云高僧曇隱遊行於此忽聞金石絲竹之音俄見清泉一泓瑩徹甘滑有積年疾者飲之皆愈

誌公鱠殘魚

高僧傳寶誌嘗對梁武帝食鱠帝曰朕不知此味二十

餘年師何為爾誌乃吐出小魚鱗尾依然今金陵尚有

鱠殘魚

郗氏化蛇

郗氏梁武帝皇后也崩數月帝常追悼之晝則忽忽不樂宵乃耿耿不寐居寢殿聞外騷窣蘇骨切勃窣穴中出也聲視

之乃一蟒盤躡上殿睽式冉切說文云暫視貌睛呀香牙切張口貌口以

向於帝帝夫驚駭無所逃遂不得已蹶然而起謂蛇曰

朕宮殿嚴警非爾蛇類所生之處必其妖孽欲崇朕邪

蛇為人語啟帝曰蟒則昔之郗氏也妾以生存嫉妒六

宮其性慘毒怒一發則火熾矢射損物害人死以是罪

謫爲蟒耳無飲食可實口無窟穴可庇身飢窘困迫力不自勝又鱗甲有蟲咬子合噉切玉狡切肌肉痛苦甚劇若加錐刀焉蟒非常蛇亦復變化而至不以皇居深重爲阻耳感帝平昔眷妾之厚故託醜形陳露於帝祈一功德以見拯拔也帝聞之嗚呼感激旣而求蟒遂不復見帝明日大集沙門於殿庭宣其由問善之最以贖其苦誌公對曰非禮佛懺滌悃款不可帝乃然其言搜索佛經錄其名號兼親抒睿思灑聖翰撰悔文共成十卷皆采摭佛語削去閒詞爲其懺禮又一日聞宮室內異香馥郁良久轉美初不知所來帝因仰視乃見一天人容

儀端麗謂帝曰此則蟒後身也蒙帝功德已得生忉利今呈本身以爲明驗也懃懃致謝言訖而去此見梁武懺序

燕雀湖

輿地志云走馬橋見有燕雀湖窮神秘苑曰梁昭明太子在東宮有一琉璃盃紫玉杯皆武帝所賜也旣薨詔置梓宮後更葬開墳爲闔人攜入大航乃有燕雀數萬擊之因爲有司所縛乃獲二寶器帝聞而驚異詔以賜太孫封墳之際復有燕雀數萬銜土以增其上墳側今有湖後人因名燕雀湖楊修之有詩云平湖岸側見高

墳萬土銜來燕雀羣鑑面無波天青色此中文藻似儲
君在城東四里下入青溪煙霧嶺土以仰其土與則令
南史梁阮孝緒字士宗母王氏有疾合藥須得生人獲
舊傳鍾山所出孝緒躬歷幽險累日不逢忽遇鹿前行
隨後至一所遂滅就視其處果獲此草今山中不復有
之

木醴

建康實錄陳後主禎明二年初覆舟山及松柏林冬月
出木醴後主以爲甘露之瑞俗呼爲雀餒舊立甘露亭

今廢

牝狙觸網

按湘山野錄云南唐李後主獵青龍山一牝狙觸網見
主雨淚稽顙屈指其腹主戒虞人保守之是夕誕二子
還幸大理寺親錄囚繫一大辟婦以孕在獄未幾誕二
子煜感牝狙之事罪止於流其山去城二十五里

感龍產鯉

昔民有女感黑龍於田野歸而有娠後產鯉魚投於水
中復能變化隨母所出入後成龍而去母亡每春時必
來墳所鄉人懼之因立廟祠焉謂之烏鯉廟在溧水縣

東南二十五里之因立廟而謂之魚鹽廟其水熱
中時時變外則母池出入遊如龍而去母之許春初必
昔以育文烈黑龍於田裡龍而育於魚鹽魚姓於水
烈龍靈驗

千恩烈於此之事
繼從兩子仲曼五元
二十五里

靈幸大聖寺殿幾
獨問國氏重物南
未幾獨二

六朝事迹編類卷之九終

六朝事迹編類卷之十

左奉議郎充江南東路安撫司幹辦公事張敦頤養正撰

神仙門

白都山

昔白仲都常於此學道白日上昇因以為名楊修之有
詩云駕鶴驂鸞自古聞策名仙籍是真君天邊舊迹無
尋處滿目青山空白雲在城西南八十里西臨大江

茅君山

茅濛字初成華陽人也隱華山修道秦始皇三十一年
白日上昇是時先有民謠曰神仙得者茅初成駕龍上

昇入太清時下玄洲戲赤城繼世而往在我盈始皇聞
 之問故老曰此仙謠也於是有尋仙之意濛之玄孫盈
 得道於金陵句曲山上昇為東嶽上卿司命真君太元
 真人居赤城時來句曲邦人改句曲為茅君山事見圖
 撫遺
 經云漢時有三茅君各乘一白鶴來居其上故號為三
 茅君世傳茅盈茅固茅震皆濛之後也山在句容縣東
 南四十五里華山華陽皆
 在句容縣荆公有詩云一峯高出眾山
 巔疑隔塵沙道里千俯視烟雲來不極仰攀蘿蔦去無
 前人間已換嘉平帝地下誰通句曲天陳迹是非分草
 莽紛紛流俗尚師仙

仙杏山

舊經云絕頂有杏林及仙人腳跡因以名之又有仙壇
 石井故一名仙壇石山唐垂拱五年重修壇三所并石
 井聖麻二年縣令岑仲琢石為像設香燈供祀之下有
 清泉流入丹陽湖在溧水縣東南四十三里

石城洞

石頭城西嶺下南臨大江有洞宛然按真誥云此小有
 洞天_之南門也

華陽洞

舊經云即第八金壇大洞天也唐改為太平觀在句容

縣東南四十里茅山之側

仙人臺

幕府山之西有石棋盤說者云舊有仙人對奕於此故徐君平幕府山詩云仙去棋枰草自繁卽此地也去城北二十五里

靜壇

舊經云梁侍中周捨立與道士塢相對武帝問曰其壇如何對曰風不鳴條雲無膚寸鹿巾黃帔其數甚多白簡朱衣其來罕至因名曰靜壇今按道士塢在蔣山古明慶寺前與八功德水相近則靜壇當在其處

春澗

鍾山宋興寺東梁處士劉訐字彥度隱居之所楊修之有詩云手拖葛屨坐藜牀竹樹蕭然一水傍枕上白雲船下月卜鄰東澗勝東岡

道士塢

蔣山明慶寺前乃陳宣帝禮元靖先生臧兢處今在寶公塔之東

華陽宮

舊經云張真人煉丹之所也梁朝陶隱居立爲華陽上館唐天寶七年改今額

六朝事跡類
三
驚洞宮

舊經云梁普通三年晉陵縣女子錢妙真幼年於此修行誦黃庭經積功三十年道成佩白練飛入洞中有石室醮壇存焉天寶七年奉敕於錢真人昇仙之所建宮度女道士洞在宮東一百餘步

洞元觀

輿地志云赤烏二年吳大帝爲仙公葛玄造玄後白日上昇山上至今猶有壇宇楊修之有詩云葛玄功行滿三千白日驂鸞上碧天畱得舊時壇宇在後人方信有神仙觀在方山下去城四十五里

青元觀

舊經云本吳朝葛仙公宅也梁天監七年建有一丹井在祠宇前去句容縣西南三百餘步

玉晨觀

句容縣東南四十五里句曲洞北門之側舊經云本晉許長史宅也昔高辛時展上公秦時巴陵侯後漢時杜廣平竝於此學道得仙梁武帝天監十三年陶弘景奏請立爲朱陽館唐正觀中爲紫微國師王先生改爲華陽宮天寶七年爲玄靖先生改紫陽觀前有郭真人養龍池醮壇丹井俱在大中祥符中奉勅改今額曰玉晨

觀

太平觀

梁書云陶弘景讀書萬餘卷善琴棋為諸王侍讀永明十年脫朝服挂神武門上表辭祿詔許之於是止於句容之句曲山曰此是第八洞宮名金壇華陽之天乃立館自號華陽陶隱居唐正觀九年為昇真先生改為太平觀

尋仙觀

梁時所造也與芝山鷲洞相鄰上有石壇舊經云昔茅君行道之所唐垂拱五年道士宋文幹因石琢像董工修壇焉在溧水縣東南六十里

太虛觀

舊經云東晉時李盤白遇仙於此修道白日上昇仙頂有會仙亭唐開元五年建大中祥符元年九月奉勅改今額在溧陽西南四十里盤白山下初名招仙觀

道卷兩中變正元
張問國氏重刊本

六朝事迹編類卷之十終

六朝事迹編類卷之十餘

新開國天龍寺在
蘇州府城內

十里盤白山下

盤白山在蘇州府城內

蘇州府城內

六朝事迹編類卷之十一

左奉議郎充江南東路安撫司幹辦公事張敦頤養正撰

寺院門

吳建初寺

輿地志云吳赤烏十年沙門僧會自西竺來傳佛法吳大帝作寺居之寺自此始楊修之有詩云僧會西來始布金常聞鐘磬伴潮音江南古寺知多少此寺獨應年最深舊傳在城南二百餘步

鐵索寺

本東晉尼寺也尚書仲杲女見釋書有比丘尼問講師

師曰女子削髮出家爲比丘尼後因鐵索羅國尼至遂就此建寺以鐵索羅爲名中國尼自此始

祈澤寺

寺記云宋少帝景平元年建去府城二十里梁朝置龍堂有初法師者來結茅菴於山下日夜誦法華經有一女郎來聽移時方去師訝之因問其住止女曰見東海龍女遊江淮間聞師誦經來聽之師曰此山乏水汝能神變爲我開一泉可乎女曰此固易事容兒歸白父言訖不見數日後忽作風雷良久有清泉涌於座中南唐保大中以久旱祈雨於舊寺基信宿而雨作自後以爲

祈禱之所本朝治平中改賜祈澤治平寺許堅嘗有詩其後王荆公題云高人遺跡空佳句誰識旌陽後世孫

棲霞禪寺

攝山齊明僧紹故宅也按棲霞寺江總碑云齊居士平原明僧紹宋泰始中遊此山乃刊木結茅二十許年有法度禪師與僧紹遂捨宅成此寺蓋齊永明七年正月三日也唐高宗嘗建寺碑并書寺額武宗會昌中廢宣宗大中五年重建本朝太平興國五年改爲普雲寺景德五年改賜景德棲霞禪寺寺有舍利塔乃隋文帝葬

舍利處南唐高越林仁肇建塔徐鉉書額曰妙因寺左
有千佛嶺乃明僧紹子仲璋創造齊文惠太子同僧琢
梁臨川靖惠王采飾寺後有天開巖碧蘚亭白雲菴迎
賢石醒石中峯澗石房白雲泉亦名品外泉寺前有明
僧紹高越墓菩提王廟菩提王卽攝山靳神也廟舊居
山前今移置寺右仁廟朝嘗賜金寶方牌熙寧間取寄
華藏寺中石佛額有玻璃珠後墜地因置閣盛之大觀
中爲權要取去米芾嘗作詩紀其事寺今有唐高宗陳
尚書令江總碑沈傳師齋疏及沈傳師徐鉉題名按陳
軒金陵集劉長卿顧况李紳皮日休韓熙載徐鉉徐錯
柳珍權德輿皆有詩德輿詩其略云縈紆松路深繚繞
雲山曲重樓回木杪古像鑿巖腹皆山中景也今去城
四十五里

寶乘院

亦名草堂寺

齊草堂寺也寺乃齊周顒隱居之所顒後出仕孔稚圭
作北山移文以譏之高僧傳云時有釋慧約姓婁少達
妙理顒素所欽服乃於鍾山舊館造草堂寺以居之今
寺左乃婁約置臺講經文之地寺後卽顒舊居也王荆
公草堂寺詩云周顒宅作阿蘭若婁約身歸窳堵坡唐
會昌中寺廢本朝復建治平間賜今額隸鍾山鄉去城

十一里寺觀本陳武世平開顯今歸縣論山濶去湖
長干寺 今名天禧寺 西園寺 長干寺 長干寺

丹陽記大長干寺道西有張子布宅在淮水南對瓦棺
寺南張侯橋也長干是秣陵東里巷名江東謂山隴之
間曰干建康南五里五里有山岡其間平地庶民雜居
有大長干小長干東長干竝是地名小長干在瓦棺寺
南巷西頭出大江梁初起長干寺按塔記在秣陵縣東
今天禧寺乃大長干也 昔有并州胡薩訶死經七日更
稽有阿育王塔 生云見觀音教曰洛下丹陽會
可悉禮拜之 荆公有詩云梵館清閒側布金小塘回
曲翠文深柳條不似干絲直荷葉相依萬蓋陰淡淡岑

雲相上下翩翩沙鳥自浮沈羈人樂此忘歸意忍向西
風學舊吟

蔣山太平興國禪寺

梁武帝天監十三年以錢二十萬易定林寺前岡獨龍
阜以葬誌公永定公主以湯沐之資造浮圖五級於其
上十四年即塔前建開善寺今寺即其地也唐乾符中
改爲寶公院南唐昇元中徐德裕重修開寶三年後主
改爲開善道場太平興國五年改賜今額慶歷二年府
尹葉龍圖清臣奏請爲十方禪院據高僧傳及寶公實
錄公諱寶誌宋元嘉中現形於東陽郡古木鷹巢中朱

氏婦聞巢中兒啼遂收育之因以朱爲姓乃施宅爲寺
焉公自少出家依於鍾山道林寺常持一錫杖杖懸刀
尺及鏡拂之類由是知名齊梁間死而將葬梁武帝命
陸倕製銘葬已賜玻璃珠以飾塔表南唐保大七年加
號妙覺塔名應世本朝太平興國七年舒民柯萼遇老
僧往萬歲山指古松下掘之得石篆乃寶公記聖祚縣
遠之文於是遣使致謝諡曰寶公妙覺治平初更諡道
林真覺大師按建康實錄開善寺有志公履唐神龍初
鄭克俊取之以歸長安今洗鉢池尚在塔西二里法雲
寺基方池是也寺西有道光泉以僧道光穿竹足切斷也

得名有宋熙泉以近宋熙寺基之側有八功德水在寺
東悟真菴之後一云泉在寺北高峯絕頂寺東山巔有
定心石下臨峭壁寺西百餘步有白蓮菴菴前有白蓮
池乃策禪師退居之所寺後向東有塔曰婁約卽慧約
婁禪師之塔高僧傳曰葬於獨龍山寶公之左是也舊
有寶公及婁約塔碑梁王筠撰文今不復存楊次公詩
曰今古茫茫利祿間幾人能此叩松關猿驚鶴怨不知
處虎踞龍盤空見山芳草路隨流水遠老僧心共白雲
閒淮南舊隱拋離久一翻移文一愧顏荆公詩已見鍾
阜下

大愛敬寺

梁武帝普通元年造在蔣山之北高峯上唐朝乾符中重修廣明元年改爲廣明愛敬禪院南唐改廣孝禪院本朝開寶七年移額入城中今壽寧寺是也李建勳愛敬寺詩其略云雲散經窗溼山晴石路香齊樹大公詩

明慶寺

蔣山上明慶寺後別有小嶺碧石青林幽邃如畫世人呼爲屏風嶺有高僧曇隱於此忽聞絲竹之音俄而有清泉一派瑩澈甘滑有積年疾者服之輒愈梁已前嘗取給御廚水俗呼爲八功德水楊修之有詩云翠壁如

屏旱不枯一泓甘滑飲醍醐高僧到此聞絲竹還有金鱗對躍無

法光寺

今名鹿苑寺

卽梁之蕭帝寺舊傳天監十三年造元絳寺記云不知從昔之名故後人以帝氏目之南唐保大間重建後主易名曰法光寺有子隱堂郝氏窟今隸翔鸞坊本朝敕改鹿苑寺

同泰寺

梁武帝改年號大同起同泰寺在臺城內窮竭帑藏造大佛閣七層爲火所焚梁帝捨身施財以祈佛福自大

通以後無年不幸同泰寺設四部無遮大會俄而侯景
兵起城陷遂以虛器進膳自庚辰至丙戌七日不食而
崩楊修之有詩云佛事莊嚴國力疲照天金碧倚欄危
沈檀鑪土烟雲合恰似當年煨燼時

法寶寺

亦名臺城寺

梁同泰寺基之半也建康實錄梁武帝大通元年創同

泰寺寺處宮後別開一門名大通門

對寺之南門取及語以協同泰為名

也

帝晨夕講議多遊此門偽吳順義二年置為臺城千

福院本朝改賜今額寺前有醜石四各高丈餘俗呼為

三品石政和間取歸京師其寺今在城北

寶林寺

舊經云本同行寺梁天監中武帝與寶公同遊此山見

林巒殊勝命建精藍因以同行為額亦名聖遊寺唐會

昌中廢偽吳太和中復建後改為秀峯院南唐保大九

年重修本朝嘉祐中改賜今額有琪樹在法堂前梅摯

詩其略云影借金田潤香隨壁月流遠疑元帝植近想

誌公遊建炎間樹為兵火所焚今寺屬寶林山

普濟寺

梁頭陀寺也建康實錄梁武帝大同元年置頭陀寺記

舍人石興造寺在蔣山頂第一峯後移置山下本朝治

平中改賜今額殿後有應潮井其水與江潮相應又有
梁昭明太子讀書臺在其西卽普通元年所置大愛敬
寺基也有寺

佛窟寺

城南二十里牛頭山下有深坑言是辟支佛窟寺記云
本沙門道慶禪房梁天監中司空徐度造寺因名曰佛
窟寺楊修之有詩云曩事何人爲證明白雲深鎖翠微
坑已闢過去辟支佛未見當來彌勒生

聖湯延祥寺

隸湯山下舊有湯泉十所今所存者六唐德宗時韓晉

公滉爲浙西觀察使滉小女有惡疾浴於湯應時而愈
乃以女妝匳建精舍於湯山之石且求僧以主寺事時
得竹林寺一市蠱毒藥僧遠近賴之多獲全濟故其藥
至今以溫湯爲名按唐書滉觀察浙江在貞元以前寺
之建當在建中興元間而圖經乃云咸通十二年韓公
置精刹咸通蓋懿宗年號是時晉公已亡也

景德寺

僞吳始名崇孝寺本朝景德中改賜今額建炎元年以
其地改充太廟今隸嘉瑞坊

清涼廣惠禪寺

偽吳順義中徐溫建爲興教寺南唐昇元初改石頭清涼禪寺後主復改清涼大道場本朝太平興國五年閏三月改爲今額舊傳嘗爲李氏避暑宮寺中有德慶堂今法堂前舊基是也後主嘗畱宿寺中故其詩有未能歸去宿龍宮之句德慶堂額乃後主親書祭悟空禪師乃後主自爲文碑刻今見在舊有李氏宮人親寫藏經及本朝所賜御書今皆不存唐溫庭筠清涼寺詩曰詩閣小窗藏雪嶺禪堂秋水接藍溪東坡先生捨彌陀畫像於寺中其詩曰問禪不契前三語施佛空畱丈六身蓋謂此也楊次公題清涼寺翠微亭詩曰君勿愛清涼

清涼如火如沸湯君勿惡炎熱炎熱如冰如積雪勿愛亦勿惡未是逍遙處君不見海會山前一條路一車來一車去今古轉轅何日住落花時節雨初晴黃鶯枝上分明語又因舟次秦淮寄清涼長老曰雲居衆衆舟次秦淮忽爾狂風動地白浪滔天致此片帆難以寸進又恐是石頭老子把定要津不肯放過今者食時已及香積未充更不敢遣化菩薩去年煩若是靈利人必已會得了也時王荆公在清涼寺見之曰清涼應是推辭不得古語果豈只火細無亦與李王相

昇元寺亦名頤楷寺西園前知面對湖景

昇元寺即瓦棺寺也在城西隅前瞰江面後踞崇岡最

為古跡累經兵火略無彷彿李王時瓦棺閣猶在乃梁

朝故物高三百四十尺太白詩所謂日月隱檐楹是也

此見雜說今西南隅戒壇乃是故基南唐將歸我宋數年前

昇元寺殿基掘得石記乃詩識其辭曰若問江南事江

南事一憑抱雞昇寶位謂李煜丁酉年生也走犬出金陵謂王師甲戌渡

江于建居南極曹彬列柵城南乃于建也安仁秉夜燈謂潘美恐有伏兵命縱火

也東鄰驕小女騎虎渡河冰錢俶以戊寅年入朝盡獻浙西之地乃騎虎之謂也

寺之名起自西晉長興年中長沙城阿陸地生青蓮兩

朵民間聞之官司掘得一瓦棺開之見一僧形貌儼然

其花從舌根頂顱生出詢及父老曰昔有一僧不說姓

名平生誦法華經萬餘部臨死遺言曰以瓦棺葬之此

地所司具奏朝廷乃賜建蓮花寺五代兵火焚之李太

白登瓦棺閣極眺金陵城云鍾山對北戶淮水入南榮

漫漫雨花落嘈嘈天樂鳴兩廊振法鼓四角吟風箏杳

出霄漢上仰攀日月行山空霸氣滅地古寒陰生寥廓

雲漢晚蒼茫宮觀平門餘閭闔寺樓識鳳凰名雷作北

山動神扶萬拱傾靈光何足貴長此鎮吾京

淨妙寺舊名齊安寺南唐昇元中建額曰齊安本朝政和五年正月改賜淨

妙舊臨官路今移置高隴面秦淮王荆公齊安寺詩刻
云日靜山如染風暄草欲薰梅殘數點雪麥漲一溪雲
去城四里

能仁寺

南唐古寺基也保大年中昇州特進守司徒致仕鍾山
公李建勳嘗捨莊田入寺後廢本朝撥賜地基起興慈
禪院咸平初李建勳女潤州本起寺住持臨壇精律大
德尼進暉巾明乞以故父李相公舊所施莊田入興慈
寺至今猶供常住咸平後改承天寺崇寧間又改爲能
仁寺真宗皇帝賜昇州法主圓覺大師賜紫德明七言

二韻詩一首精勤演律達真風釋子南禪道少同南中
多長

老禪僧奧旨筌蹄悟佛理慧燈廣布九圍中真蹟今
藏本寺

半山報寧禪寺

王荆公故宅也其地名白塘舊以地卑積水爲患自荆
公卜居乃鑿渠決水以通城河元豐七年公以病聞神
廟遣國醫診視旣愈乃請以宅爲寺因賜額報寧禪寺
寺後有謝安墩其西有土山曰培塿乃荆公決渠積土
之地由城東門至蔣山此半道也故今亦名半山寺陳
軒金陵集載荆公半山詩凡十五首寺中有寶禪師語
錄序王旂撰米芾書

魏王執鞭米芾書

六朝事迹編類卷之十一

十一

猶卷兩子仲夏上元
張府君氏重刊

六朝事迹編類卷之十一終

六朝事迹編類卷之十二

左奉議郎充江南東路文撫司幹辦公事張敦頤養正撰

廟宇門

蔣帝廟

帝即後漢秣陵尉蔣子文金陵圖經云漢末子文為秣陵尉逐盜鍾山傷額而死嘗自謂骨青死當為神及吳大帝遷都建業子文乘白馬執白羽扇見形於故吏云當白吳帝為立廟不爾百姓太疲權猶未信翼日復見於路云當令飛蟲入人耳後如其言帝乃立廟於鍾山對子文為蔣公權避祖諱因改鍾山曰蔣山晉蘇峻之

難鍾山神同蔣侯爲助且曰蘇峻爲逆當共誅鋤之後
果斬峻按杜佑通典宋高帝永初三年普禁淫祀自蔣
子文祠以下皆絕孝建初修復加蔣侯爵位至相國大
都督中外諸軍事明帝初四方兵起求救於神遂封爲
蔣王齊永明中崔慧景之難迎神還臺以求福助事平
授以帝位又按南史梁武帝天監六年旱甚詔祈蔣帝
求雨十旬不降帝命載荻焚其廟當神上俄有雲如織
倏忽驟雨如瀉臺中宮殿振動帝懼馳詔追停少時乃
靜自此帝益畏信是時魏軍圍鍾離蔣帝神報勅必許
扶助旣而無雨水長遂挫敵人凱旋之後廟中人馬腳
盡泥溼當時目覩馬齊旣封以帝號於是以廟門爲靈
光之門中門爲興善之門外殿曰帝山內殿曰神居西
閣有佛殿名靈鷲東閣卽子文所居也南唐追諡曰莊
武帝更修廟宇本朝開寶八年焚毀雍熙四年邑人張
革於舊基重建景祐二年知府陳待制執中復增修之
朝廷賜額曰惠烈政和八年本縣復加修飾有南唐及
景祐政和廟記可攷今隸蔣山之北去城二十里

吳大帝廟

隸府城西門外今廟庭卽當時舊宮唐大中初邑人台
州永寧簿周知業以家貲重修建炎間兵火廢毀其地

在石頭城清涼寺之西今去府七里楊修之有詩云古
木陰森廟歸然龍蟠虎踞舊山川當時鼎足一場夢空
裏旋風飛紙錢

景初晉元帝廟在石城今隸蕪山之北去府二十里
舊在木將軍廟側今移在嘉瑞坊城隍廟之左南面又
晉忠正廟在石城隍廟側中丞蘇峻之亂與
晉尚書令贈侍中驃騎將軍卞壺諡忠正蘇峻之亂與
其二子力戰死之葬吳冶城今天慶觀乃其地也後七
十餘年盜發其墓尸僵如生鬢髮蒼然爪甲穿手背安
帝賜錢十萬封之入梁復毀武帝又加修治李氏有江

南建忠正亭於其墓穿地得斷碑公名存焉徐鍇實爲
之識本朝慶厯中知府事龍圖閣直學士葉公清臣又
封墓刻石表之改亭名曰忠孝取其母之言曰父爲忠
臣子爲孝子也又五十年左丞葉公夢得來守是邦卽
爲亭堂圖公像列之常祀春秋祠焉乃爲之記

晉謝將軍廟在石城隍廟側晉謝將軍廟在石城隍廟側
卽晉謝玄也唐咸通九年置本朝開寶四年重修在府
城西南三里西隍廟側晉謝將軍廟在石城隍廟側
大其晉陰山廟在石城隍廟側晉謝將軍廟在石城隍廟側
在縣南向西十里舊經云建武中丞相王導於岡阜

間隱約見數十步騎駐立於壘上導怪之使人致問俄
失其所夜見夢於導曰我乃陰山神也昨隨帝渡江寓
泊於晨見之所卿爲我置祠當福晉祚導乃以其事聞
上乃置廟於此仍名其岡爲陰山楊修之有詩云鑪香
烟斷暮雲凝陰德山高衆所稱開府琅琊舊蒙福龍飛
一馬至中興

菩提王廟
神卽楚大夫靳尚也今在攝山按神錄楚靳尚神居臨
沂縣舊經云齊永明初有法度禪師講經於攝山嘗患
山路磽确僧徒疲於往來神爲平治之法度因爲受菩

提戒立祠於此故世號菩提王江總棲霞寺碑云梁大
同元年二月神又見形著菩提巾披袈裟容止甚都來
入禪堂請士衆說法廟舊在山前今移置棲霞寺門之
右

楚靳尚廟

攝山記云楚靳尚以讒殺屈原爲天所譴作一大蟒穴
在山後人爲之立廟楊修之有詩云汨羅魚腹葬靈均
競渡如飛不救人天意明知讒因毒果遭天譴作蛇身

梁祈澤夫人廟

梁置今隸祈澤寺之側舊經云有初法師者嘗講法華

經於山中有女郎來聽初問之答曰見東海龍王女也
師告以山中乏水後數日忽聞風雨暴作向曉有泉出
於座下後遂爲水旱祈禱之所因號祈澤夫人本朝紹
興元年旱禱有應本府狀其事於朝且言已有祈澤夫
人之號因賜廟額曰嘉惠今去城五十三里

青溪夫人廟

按輿地志青溪岸側有神祠世謂青溪姑南朝甚有靈
驗嘗見形於人祠今與上水閘相近說者云隋平陳斬
張麗華孔貴嬪於青溪柵下今祠像有三婦人乃青溪
姑與二妃也

二判官廟

舊經云本延祚院土地神唐會昌中寺廢景福二年神
託夢於里人曰我二判官也久爲延祚寺伽藍今已遷
次於寺外可爲我置祠當福於爾旣而夜見火光連天
人卽潛於光所窺見炬篋熒熒焉因就其地建廟祀之
在府西門裏

茅君白鶴廟

茅山白鶴廟記云此廟卽祠三茅君之所也霓旌屢降
鶴駕時逢茅君分理於赤城玉洞每年以十二月二日
駕白鶴於此會諸眞君故名焉在句容縣東南三里

白楚平王廟潘真君姑名惠谷向容湖東南三里
吳越春秋云楚平王都於固城廟今在溧水縣南九十
里昔周成王封熊繹子男之田於荆蠻之地至莊王賜
姓爲芊音救氏至靈王立與敵日尋干戈邊鄙不寧時
吳軍失利乃陷瀨渚至平王用佞臣之言殺太傅伍奢
并其子尚子胥奔吳吳用之破楚而入郢此廟卽平王
宮殿之舊址也唐廣明元年重修

荆將軍廟

舊經云荆軻廟也烈士傳曰昔左伯桃羊角哀往楚併
糧於梁山左伯桃死而角哀達乃厚葬伯桃於梁山下

一夕角哀夢伯桃告曰幸感子葬我奈何與荆將軍墓
相鄰每地下與吾戰爲之困迫今年九月十五日將大
戰至時望子借兵馬於冢上叫噪相助角哀覺而悲之
如期而往曰今在冢上安知我友地下之勝負乃命開
棺自刎而死報併糧之義也廟在溧水縣南四十五里

潘真君廟

舊經云昔潘氏兄弟三人於此山中得道化白鶴冲天
而去後人思而立廟在溧陽縣東南六十里三鶴山下

興德王廟

僞吳天祚二年李先主昇夢申見其神因立廟祀之今

廢其地在鍾山蔣帝廟之北去城三里

炳靈公廟

偽唐昇元中置按五代史後唐長興四年封東嶽三郎為威雄將軍本朝大中祥符元年奉勅封炳靈公廟在府城新橋之西

五龍堂

府城西門外古太一觀基也南唐保大八年改為舞雩祠十三年有玄光尊像乘一木自江中流汎及岸側而止道衆迎接入堂供事之徐鉉嘗作記述其事

張僕射廟

舊經云唐天祐中有清河張司徒者營建金陵百姓懷而祠之今呼張僕射廟廟之北相去四里有南唐張懿公墓道或云僕射即懿公也名君詠字德之嘗為特進太子太傅初不曾任司徒其說未詳今在府城西門外十里

茅司徒廟

按稽神錄云浙西僧德林少時遊舒州路見一夫荷鋤治方丈之地左右數十里不見居人問之對曰頃時自舒之桐城至此暴為疝疾不能去因臥草中及稍醒已昏矣四望無人惟虎豹吼叫自分必死俄有一人部從

如大將至此下馬良久召二卒曰善守此人明日送到
桐城縣下遂上馬去倏忽不見惟二卒在焉某即強起
問之答曰此茅將軍也常夜出獵虎憂汝被傷故使護
汝更欲問即日已出矣不復見二人即起而行意甚輕
健至桐城頃之疾愈以所見處立祠祀之德林止舒州
十年及回則村落皆立茅將軍廟今俗呼茅司徒在溧
陽縣東門外一里

武烈帝廟

舊經云隋司徒陳杲仁有戰功唐封忠烈公南唐偽冊
武烈帝本廟在江陰

隋從兩子仲夏上元
張問國氏重功南本

六朝事迹編類卷之十二終

六朝事迹編類卷之十二 卒曰蓋守此八明日送到

卒在馬某即強起

被傷故使

行意甚輕

州

漢

州

州

州

州

州

州

州

州

州

州

州

州

州

州

州

六朝事迹編類卷之十三

左奉議郎充江南東路安撫司幹辦公事張敦頤養正撰

墳陵門

吳大帝陵

吳志神鳳元年大帝崩葬蔣陵按樂史寰宇記在縣東

北蔣山八里丹陽記云蔣陵因山為名輿地志曰九日

臺當孫陵曲折之傍故名蔣陵亭蘇峻之亂王師敗績

於西陵即此地也今蔣廟相對向西有曰孫陵岡是為

蔣陵

吳步夫人陵

吳赤烏元年追拜夫人步氏爲皇后後合葬蔣陵今蔣廟西南有孫陵岡上有步夫人墩墩之側有夫人冢乃其地也

吳宣明太子墳

吳志孫權皇太子登諡宣明太子初葬句容後三年移葬鍾山西蔣陵

吳甘寧墓

伏滔記吳將甘寧墓在直瀆之下俗云墓有王氣孫皓惡之鑿其後爲直瀆唐溫庭筠過吳主陵詩其略云虛開直瀆三十里青蓋何曾到洛陽蓋譏之也

吳葛仙翁墓

吳太極左仙翁葛玄墓在句容縣西南一里郡國志云句曲有葛玄冢

晉元帝陵

建康實錄晉元帝永昌元年春葬建平陵在雞籠山之陽不起墳

晉明帝陵

建康實錄明帝大寧三年葬武平陵在雞籠山之陽不起墳

晉成帝陵

建康實錄晉成帝咸康八年葬與平陵在雞籠山之陽
與元帝同處不起墳

晉康帝陵大寧三年葬於平陵亦稱鐘山之陽不起墳

建康實錄晉穆帝昇平五年葬永平陵隸幕府山之陽
起墳今幕府山前近西里俗相傳有穆天子墳即其地也

晉哀帝陵墓

建康實錄晉哀帝興寧三年葬安平陵隸雞籠山之陽
不起墳

晉簡文帝陵

建康實錄晉簡文帝咸安二年葬高平陵在鍾山之陽
不起墳

晉孝武帝陵

建康實錄晉孝武帝太元二十一年葬隆平陵在鍾山
之陽不起墳

晉安帝陵

建康實錄晉安帝義熙十四年崩明年葬休平陵在鍾

山之陽不起墳

晉恭帝陵

建康實錄晉恭帝元熙二年葬沖平陵在鍾山之陽與安帝同處不起墳

按東晉十一帝元明成哀四陵在雞籠山之陽康簡文武安恭五陵在鍾山之陽竝不起墳今不復可辨惟穆帝一陵在幕府山起墳

晉山簡墓

建康實錄晉永嘉六年征南將軍荊州刺史山簡卒歸葬建康真武湖南覆舟山之陽輿地志云山簡墓在樂

遊苑內

晉溫嶠夫人墓

建康實錄晉溫嶠初葬豫章朝廷追思之乃爲造大墓遷葬元明陵北幕府山之陽按晉書嶠拜驃騎將軍開府儀同三司散騎常侍封始安郡公初葬豫章後朝廷追嶠勳德將爲造大墓於元明二帝陵之北陶侃上表願停移葬詔從之其後嶠妻何氏卒子放之便載喪還詔葬建平陵北卽是嶠妻何氏墓非嶠墓也

晉郭璞墓

真武湖中有大墩里俗相傳曰郭璞墓按晉王敦加荆

州牧敦將舉兵使璞筮璞曰無成敦怒收璞斬之當時或歸葬於此

晉竺瑤使君墓

隸金陵鄉張陣湖墓前有碑以晉書參攷之乃寧朔將軍竺瑤常為桓溫部將太和五年破袁瑾於武丘

宋武帝陵

建康實錄宋高祖永初三年葬初寧陵隸丹陽建康縣蔣山圖經云在縣東北二十里政和間有人於蔣廟側得一石柱題云初寧陵西北隅以此攷之其墳當去蔣廟不遠

宋文帝陵

建康實錄宋文帝元嘉三十年葬長寧陵圖經云隸縣東北二十五里與武帝陵相近今未詳所在

宋文帝袁后陵

南史宋元嘉十七年葬皇后袁氏於長寧陵長寧卽文帝陵也

宋明宣沈太后陵

南史宋明宣沈太后為文帝美人生明帝元嘉三十年葬建康之幕府山今寶林寺西南有墳壟相傳為國婆墳疑卽沈后所葬之地

宋明帝陵

建康實錄宋明帝泰豫元年葬高寧陵隸臨沂縣幕府山西與王導墳相近今山前有墳壟晉穆帝陵在山南或以西爲明帝之墳

大司徒甄邯墓

亡新墓附此

圖經云在縣北七里後湖之側按南史宋張永嘗開真武湖遇古冢冢上得一銅斗有柄文帝以訪朝士著作郎何承天曰此亡新威斗王莽三公亡皆賜之一在冢外一在冢內時三公居江左者惟甄邯爲大司徒此必邯之墓及啟冢又得一斗復有一石銘云大司徒甄邯之墓今未詳所在

宋謝濤墓

按土山淨名寺新得古碑云宋散騎常侍謝濤元嘉十七年葬於揚州丹陽郡建康縣東鄉土山里

宋謝濤夫人王氏墓

夫人琅琊王氏大明七年合祔於土山里謝濤之墓有古碑可攷夫人之祖曰獻之父曰靜之

冥漠君墓

古墓附此

宋書云元嘉七年彭城王義康修東府城城塹中得古冢爲之改葬使法曹參軍謝惠連爲祭文其略云東府

掘城北塹入丈餘得古冢上無封域不用甄璧銘志不存世代不可得而知也公命城者改埋東岡祭之以豚酒既不知其名字遠近故假爲之號曰冥漠君云爾

齊明欽劉皇后陵

南史齊明欽劉皇后高帝爲明帝納之永明七年葬江乘縣張山今隸淳化鎮之北

齊巴東獻武公墓

在棲霞寺側有碑額云齊故侍中尙書令丞相巴東獻武公之墓

齊明僧紹墓

隸攝山棲霞寺前明隱居僧紹舊居攝山後葬此今去城四十五里

梁吳平忠侯墓

南史梁吳平忠侯蕭景字子照諡曰忠墓在花林之北有石麒麟二石柱一題云梁故侍中中撫將軍開府儀同三司吳平忠侯蕭公之神道今去城三十五里

梁始興王墓

南史梁始興王蕭憺諡曰忠武墓在清風鄉黃城村有石麒麟四及神道碑云梁故侍中司徒驃騎將軍始興忠武王之碑今去城三十七里

忠為梁安成王墓

南史梁安成王蕭秀字彥達諡曰康墓在甘家巷有石麒麟一石柱一及神道碑二題云梁故散騎常侍司空安成康王之神道南史稱佐吏夏侯直等表立碑誌王僧孺陸倕劉孝綽裴子野各製其文欲擇而用之咸稱實錄遂四碑竝建今所存者二其一已磨滅其開字畫猶可讀乃彭城劉孝綽文也去城三十八里

梁臨川王墓

南史梁臨川王蕭宏字宣達諡曰靖惠墓在北城鄉有石柱一碑一題云梁故假黃鉞侍中大將軍揚州牧臨

川靖惠王之神道去城三十里

梁建安侯墓

南史梁建安侯蕭正立諡曰敏墓在淳化鎮西宋野石柱塘有石柱二題云梁故侍中左衛將軍建安敏侯之神道去城三十五里

陳高祖陵

建康實錄陳高祖永定三年葬高安陵隸縣東南古彭城驛側今縣東崇禮鄉地名陵里有曰天子林其地有石麒麟二里俗相傳卽陳高祖墓也去城二十五里

陳文帝陵

建康實錄陳文帝天康元年葬永寧陵隸縣東北陵山之南今鴈門山之北

左伯桃墓

烈士傳曰左伯桃羊角哀燕人也二人爲友同時遊學聞楚王待士乃同入楚至梁山值雨雪糧少伯桃乃併糧於角哀令往事楚自入於空樹中餓死角哀至楚爲上大夫乃告楚王備禮葬左伯桃於此唐大厯六年魯公顏真卿經此以詩弔之書於莆塘在溧水縣南四十里

雙女墓

雙女墳記曰有雞林人崔致遠者唐乾符中補溧水尉嘗憩於招賢館前岡有冢號曰雙女墳詢其事迹莫有知者因爲詩以弔之是夜感二女至稱謝曰兒本宣城郡開化縣馬陽鄉張氏二女少親筆硯長負才情不意父母匹於鹽商小豎以此憤恚而終天寶六年同葬於此宴語至曉而別在溧水縣南一百一十里

南唐張懿公墓

公名君詠字德之有神道碑題云大唐順天翊運功臣特進守太子太傅上柱國清河郡開國公張懿公神道去府城十里在石頭城後

南唐李順公墓

公名金全字德鏐有神道碑題云唐故開府儀同三司
檢校太尉兼侍中贈中書令李順公神道在城西金陵
鄉七里鋪

南唐高越墓

攝山棲霞寺舊門外北山之麓有石題云侍郎高府君
墓去縣四十五里

遷於南平仲夏正元
張府君氏重刊於本

六朝事迹編類卷之十二終

六朝事迹編類卷之十四

左奉議郎充江南東路安撫司幹辦公事張敦頤養正撰

碑刻門

吳孫皓封禪碑在常州宜興縣封禪山磨崖而刻今尚
存

吳天璽元年紀功三段石碑皇象書

晉侍中右光祿大夫西平靖侯顏公太宗碑公名含字
弘都今在府學顏真卿書

晉右光祿大夫西平靖侯顏府君碑真卿書今在府學

晉建威將軍思平縣侯竺使君銘在金陵鄉張陣湖

晉建威將軍思平縣侯竺使君頌在張陣湖碑石損斷
宋謝濤夫人王氏墓誌在土山淨名寺後菜園中今移
在上元縣

齊侍中尚書令巴東獻武公碑在黃城村梁普通三年
造

梁侍中司徒驃騎將軍始興忠武王碑徐勉造貝義淵
書在清風鄉黃城村

梁散騎常侍司空安成康王碑劉孝綽撰貝義淵書在
清風鄉甘家巷

梁永陽昭王墓誌銘徐勉造在清風鄉居民井側今在

上元縣

梁永陽敬太妃墓誌銘徐勉造在清風鄉路傍

梁臨川靖惠王神道石柱在北城鄉

梁侍中吳平忠侯蕭公神道石柱在清風鄉花林村

梁建安敏侯神道石柱在鳳城鄉淳化鎮西

梁上清真人許長史舊館壇碑丹陽陶弘景撰并書天

監十三年立碑陰刻華陽頌普通三年五月五日立唐

紫陽觀主劉行矩等重勒在句容玉晨觀

陳江總棲霞寺碑在攝山

陳宮井欄題刻在法寶寺之西邦人云字漫滅惟戒哉

之草事通經卷十四
二
車字可辨今不知其所寺之西泐人云字對如新如故

平陳碑隋薛道衡撰文虞世南書在石頭城西

大唐高宗明徵君碑在攝山棲霞寺高宗撰高正臣書

大唐棲霞寺齊會記大和五年立三平正日五日立

大唐棲霞寺律大師碑大曆四年立

大唐重建開善寺記在蔣山寺

大唐玉清觀四等碑開元十五年立陶巨莊書碑石損

斷今置崇禮鄉玉清觀墓上

大唐沈傳師齋疏在棲霞寺沈傳師題名在千佛嶺

大唐王法主碑鳳閣侍郎同鳳閣鸞臺三品弘文館學

士劉禕之文唐文明元年立在茅山崇玄觀

大唐玄靖先生李含光碑湖州刺史魯郡公顏真卿文

并書在玉晨觀

大唐遙傷茅山孫尊師詩碑唐司空兼門下侍郎平章

事李德裕述前知鹽鐵轉運使上柱國裴質方書在玉

晨觀

大唐三洞景昭大法師韋君碑檢校國子司業吳縣開

國男陸長源文檢校尚書兵部郎中兼侍御史竇泉書

并篆額唐貞元五年立在玉晨觀

大唐下泊宮記觀察判官監察御史裏行王師簡文弘

文館校書郎段令緯篆額在玉晨觀吳王昭簡文

大唐祠宇宮白鶴廟記大庾十三年三月立尚書水部

員外郎河東柳識文華陽崖舍退士中山劉鳴素書在

鴻禧院吳王昭簡文

大唐正義女碑李白文在溧陽縣潁陽江北

偽吳興化院銅鐘鑄文徐溫鑄在丹陽鄉香林寺吳王

偽吳釘石鑄文順義元年鑄在靖安鎮吳王

南唐方山寶華宮碑在方山崇真觀

南唐洞元觀請鐘記在崇真觀吳王昭簡文

南唐寶華宮功德什物記在崇真觀吳王昭簡文

南唐李順公神道碑高越書在石頭城北

南唐張懿公神道碑朱銑書在石頭城後

南唐蔣莊武帝廟碑徐鉉撰朱銑書圖經云已亡今碑

石在蔣廟門外此圖經之誤也

南唐紫陽觀碑太子右諭德徐鉉文尚書虞部郎中楊

元鼎書并篆額在茅山玉晨觀吳王昭簡文

南唐許真人井銘徐鉉文并書在玉晨觀

南唐徐鉉題名在棲霞寺千佛嶺

南唐齊上鳳臺山詩刻在保寧寺

南唐夫人易氏墓誌額在土山淨名寺吳王昭簡文

南唐夫人易氏墓誌額在土山淨名寺吳王昭簡文

南唐夫人易氏墓誌額在土山淨名寺吳王昭簡文

南唐李後主祭悟空禪師文并親書德慶堂三字在清涼寺

南唐開善寺并記在蔣山寺

南唐義井欄刻字在石頭城後七里鋪

南唐僧用虛題棲霞寺詩在本寺千佛嶺

景德棲霞寺殿記在本寺高陟撰文向書吳府中

景祐重造蔣廟碑陵陽景撰今置蔣廟庭下

惠烈廟記在蔣廟曹熙立

蔣廟篆祭文蔣堂文邵必篆今在廟中

道光泉記王安國撰在蔣山寺

八功德水記梅摯撰在蔣山悟真菴後

蔣山太平興國寺莊田記僧贊元立

蕭帝寺記元絳撰在法光寺今名鹿苑寺

子隱堂記梅摯撰在法光寺

白雲菴記王安國撰在棲霞寺

寶禪師語錄序米芾書在惟政鄉半山寺

溧陽長潘元卓校官碑今在溧水縣

漢碑附此

道卷兩中仲夏正元
張商周氏重刊宋本

六朝事迹編類卷之十四終

六陳車志縣志卷之十四錄

縣志卷之十四錄

縣志卷之十四錄

縣志卷之十四錄

縣志卷之十四錄

縣志卷之十四錄

縣志卷之十四錄

縣志卷之十四錄

縣志卷之十四錄

縣志卷之十四錄

